

山右石刻叢編

山右石刻叢編卷二十七

陽王山頭遺教部侍郎兼都督府副史巡撫山隸兼提督路節務副太原城守尉吳明瑞之詩

元

重修湯王廟記

碑高二尺廣三尺三十七行
行十九字正書今在潞城縣

重修湯王廟記

潞城縣東南二十餘里有聚落曰東禪民庶熙熙風俗厚
湯王之行祠在焉歷年既多尋就傾壞卒村社長申立牛拱
等謀於衆曰民者神之主也神依人而行久矣吾鄉疫癘不
作雨暘以時意者其神之賜乎今廟貌僅存不蔽風雨殆非
所以事神之道也盍併力而補完之衆皆欣然以貲以力又
以故地狹隘有牛尚者議及於廟東西鄰靳庸劉付程用三

人處以貳化其地僉慨然曰吾本志也遂施地總六分四厘
故得庭宇之寬平廊廡之闊敞垣墉端直簷楹翬飛不數月
而厥功告成輪焉奐焉異於平日矣鄉中耆舊謂予云是廟
一成此方之偉觀也將以其事刻之於石以示後來者子盍
為我言之予謂此事非所能及且固辭再三終不獲已姑據
實而誌云

至元二十一年歲在甲申秋七月十有二日里開程砥謹
述并書

都維那社長申立牛拱 副維那劉益程賢宋寶程孝等

牛尚 廉賽 芦政 王惠 王全 靳益 元榮

牛岳 宋信 王堅 劉進 劉和 劉源 程山 宋

謹 郭勢 陳仙 王江 馮賽 王賢 索遠 李杏

王謙 王言 王儀 程信 王玉 牛勝 李仁

王泉 常政 劉寬 康秀 郭成 牛珍 王成 廉

二 申□ 李琮 郭存 李山 李才 李與 劉才

馮從 馮□ 申信 宋脩 崔實 王信 □良

王溫 路益 劉旺 王通 程朋 程洋 程全 王

潮 牛海 牛安 牛彥 宋琪 宋開 宋在 牛晉

牛榮 元軍 元著 元鑑 李祥 李信 賈順

芦信 賈彧 王林 牛璵 高濤 周聚 周才 李

榮 馮秀 宋清 范新 李彥 牛忠 牛桂 宋木

牛期 常海 王泰 李慶 李旺 范廣 宋彥

宋英 宋□ 宋吉 王林 常存 閻千 李潤 王

進 宋明 牛和 王益 常昇 程瑄 王淑 程世

柴 程驥 梁植 申德 張定 牛江 牛秀心 廉
明 廉仲 王珍 王時 郭聚 牛口 牛政 牛用
牛合 王潤 申謙 郭良 宋贊 王興 佛寺講
主口口霖 裏王鎮施鈔七兩 東間壁馮秀施鈔七兩
施地人靳庸二分六厘 劉口口施地二分 程用施
地一分八厘

木匠都料程廣程全程又程琳程慶程和王佐元添王定
泥匠都料廉祐宋選 錢匠宋吉 瓦匠宋信王海馮德
本州琉璃匠牛榮 屯留縣高店楊政施宝鈔二十五兩
碑云潞城縣東南二十餘里有聚落曰東禪潞城縣志平
順分歸之里十有二曰東禪南北二里湯王廟在續村及東禪
里此云東禪民庶熙熙湯王之行祠在焉卽東禪之祠碑

東西之路接京城來往之賔七間之大殿已成五簷之高閣
未就况僧具六和之憲豈寺無三藏之文 舍利塔高聳於
雲煙功德主當請於朝省 恭惟

我相公者合門卿相累世簪纓煥星斗之文章施雷霆之号
令出補天之手動震地之聲既為

天子之股肱可作佛門之牆塹弘揚正法保
帝業昌彌昌掃蕩邪魔庶宗乘之不墜

母護多讓幸賜少從 謹疏

至元二十二年正月 日疏

大慶壽寺提點祖應

西堂長老署庵

宣授十方普救禪寺住持五峯長老福真

宣授大海雲寺住持傳法嗣祖沙門西雲

宣授諸路釋教都總統大慶壽長老筠庵

行中書省左承

謹請

真公長老住持十方普救禪寺為

國焚修祝延

聖壽無疆者

蓋聞鳳凰巢內子羽翼養成獅子窟中兒爪牙具足既欲鸛
鵲啼吼須是動衆驚群 恭惟

真公長老真出格道人寔克家種草悟本禪師而落髮瓊公
長老曰傳心得臨濟之五機續松崑之要旨數年把定水泄
不通諸聖推來風光大扇絲綸在手鐵牛背上好垂鈎鋼罟

隨身舍利塔前宜布網高昇狻座望

北闕以拈香大震雷音祝

南山之聖壽

謹疏

至元二十二年 月 日疏

資善大夫江淮等處行中書省左承汪

監等蒞 維那宗安 典座道容 直歲德智立石

按碑刻前後兩疏永濟縣志普救寺在城東六里唐時名
西永清院五代時漢遣郭威討李守貞於河中周歲城未
下威召院僧問之對曰將軍發善心城卽克矣威折箭爲
誓翌日果破乃不戮一人因改院曰普救是此寺得名之
由前疏題至元二十二年正月日疏後疏亦二十二年第
無正月字又前疏有大慶壽寺提點祖應西堂長老署庵

後疏亦有宣授諸路釋教都總統大慶壽長老筠庵元史
世祖本紀至元三年四月庚午以僧機爲總統居慶壽寺
蓋元初建寺祈福皆名爲慶壽今襄陵縣亦有慶壽寺佛
像碑可以知其溥建矣筠庵又見西京大華嚴寺明公和
尚碑後疏又題資善大夫江淮等處行中書省左丞汪元
文類有姚燧便宜副總帥江公神道碑內列其家世達官
甚夥第無江淮行中書省之銜元史百官志至元十二年
初立江淮行省治揚州二十二年改曰江浙行省本紀至
元二十四年正月復改江浙省爲江淮行省二十八年十
二月庚辰改江淮行省爲江浙等處行中書省治杭州此
在二十二年未改以前故仍得稱江淮行省

惠珏和尚碑

碑連額高四尺八寸二分廣一尺七寸三分二十三行行四十三字行書額題通玄大師紀行之碑八字篆書今在臨縣

通玄大師珏公紀行之碑

并序

大原府西三給奉先院寓止傳法嗣祖沙門德閑撰并篆額

因通智悟大禪師善慶院傳法嗣祖沙門雲閑德演書丹嘗聞瞿唐灩澦非可玩之波瀾性海汪洋豈凡情能喻議惟通玄大師者為法源之巨浪作渡海之舟航津濟群品諒多有之今以不勤之翰墨而為詮表實輕塵足岳墜露增涿不量靡才誠多罪矣 師諱惠珏姓石氏嵐州樓煩縣番明下社人也大父諱裕妣母蘇氏生金朝名當世妙年秀拔七歲辭家礼石州臨泉小谷上村大慈雲寺登公首座為師弱貫

試經早年得度遊詣庵園所過稱道一時往還與青山白雲
開遮自在風不受然灯記而自印三昧宗與歷登祖位者无
異師學問以至甲乙方書文筆詞翰百家之言无不貫穿大
為賢士所喻司南既正所適皆通後大元朔天下以河東未
歸汝間天兵南下以臨邑與大河為近渡乃先得臨邑改臨
為大定總管府以便接鎮使一方遺民早得受職師以院宇
成壞相尋欲興舊起廢間一日有竜虎衛上將軍兵馬都元
帥總管任昌推師号通_②大師克府三教提領后太原一統
烽_口稍_寧汝改為臨州克都綱司句當慈雲寺僧與替此可
見矣其建寺始末有故碑在師以鐘鼓不鳴聖像風雨力求
徒眾開山斬木再閱廢典除正堂外廊廡僧舍有數十楹皆
朔一新如娟秀人在高明處有下院數十处皆有土產額号

師壽六十二僧夏五十五示疾于丁未冬初七日卧寂葬西
南寺之新墳有門弟子皆為釋中名涿曰淨業大師慈憲曰
輔教普德大師慈應曰寂照大師慈悅皆預為本州綱首又
曰妙嚴大師今為本州僧正法諱慈惠數昆弟皆英偉人也
鄉黨間可謂豪俠者也多以礼義接人其所居寶坊庖烟不
及可謂一方之勝地也暇日惠公僧正與雲閑老衲來謁師
之銘予不得辭乃為銘之曰

於戲大士兮 為凡為聖 處甘露門兮 作大圓鏡
八面虛通兮 一門了性 寬猛得所兮 佛魔等並
網維縑素兮 奚其為政 雅厚雍容兮 自府大定
詠月吟風兮 言詞簡靜 磬石金書兮 以表名行
下院飛虎縣白石山講經沙門弘達

法眷 德滿大禪師普化院嗣祖沙門⑤懿 崇因大禪
師正覺院嗣祖沙門文濟 講經沙門無為大師⑤珍
香嚴院傳戒沙門明現

慈雲院門人 ⑤起 ⑤秀 ⑤鑒 ⑤開 ⑤偉 ⑤
英 ⑤政 ⑤貴 ⑤信 ⑤照 ⑤安 師孫義口

昔大元國至元二十二年七月日妙嚴大師臨州僧正范應立石
石匠鄧寬

校碑題沙門德閑撰并篆額沙門雲閑德演書碑爲慈雲
寺僧惠珏而立珏公姓石氏嵐州樓煩縣人金史地理志
嵐州有樓煩縣碑云珏公禮石州臨泉大慈雲寺登公首
座爲師金史志石州縣六臨泉今臨縣志慈雲寺城東南
五十里漢時建舊志云金大定三年建校碑有云大元創

天下以河東未歸天兵南下以臨邑與大河爲近乃先得
臨邑改臨爲大定總管府按元史太祖紀八年癸酉命皇
子朮赤爲右軍徑抵黃河掠平陽太原間十三年戊寅木
華黎自西京入河東克太原平陽及忻代澤潞汾霍等州
木華黎卽穆呼哩此碑言河東未歸則當在戊寅前又縣志臨縣

金大定府復爲臨泉縣元置爲臨州又縣志金貞祐末年
兵南下先諸郡歸附元太師言於左右曰今帥師征河東而
此城先納款前塗無阻徑濟洪津乃平定夏國之兆也因
嘉之以開賜名大定府至中統間設省臺此城屬太原更
爲州命曰臨取地澤爲臨之義以此碑合縣志證之則置
大定府實元非金元史世祖紀中統三年十二月戊寅升
太原臨泉縣爲臨州姚燧延安總管袁公碑王公佐卒

呼穆

哩傳辛巳冬十月復出雲公濟河款我大將李罕營降李
中入葭州金將王公佐遁以便宜升臨爲州蓋金元兵爭疆場之間僥得倖失改革
升降巧算難別此碑言后太原一統改爲臨州據元中統
升臨爲州言也碑內有龍虎衛上將軍金武兵馬都元帥
總管任昌可補史闕碑末題至元二十二年七月日立石

樂全觀記

碑連額高六尺一寸二分廣二尺三寸四分二十六行行
五十字正書額題修建樂全觀記六字篆書今在芮城縣
修建水谷樂全觀記

安西王府營田使司提舉新除策西蜀四川經略提刑按
察司銅鞮杜思問撰

解州平樂縣教諭鄉貢進士程元吉書丹

純陽宮掌籍龐志徽篆額

至元戊寅之冬予待

命于長安清真子特遣其徒王

志純為价自河東來致懇於予且請記所居之觀者价之言
曰樂全之立始於

聖朝之丁酉有西窯李福成割已業一十畝以施於河府郭
越七年癸卯又棄中間地七畝以施於靈峯楊及棗林平以
資日用之費而郭楊二公各主持之次年甲辰劉楊乃獻於
真人歷年一十有六此地日就荒圯而墾闢不加焉壬子
師以劉楊敦請之故始克與蘇張口知觀暨薛老等來居之
墾荒開蕪日營月葺年增而歲不同矣建聖堂於中以為朝
夕瞻仰之所下逮齋厨庫廩什物鍾鐃口屬靡不備置皆借
筆耕之力仍將福成所先施者合附而為一其男李老亦具
狀而重施焉觀在中條之陽芮之水谷地瘠而境幽土瘠而

事簡雅稱隱淪所居蓋亦天壤中之佳處也至是此觀得與
下莊之澤淨廟下之玉京中口之口清上郭之東華虞鄉之
東口山上之靈峯並列而為披雲門下之名區矣此則樂全
興修之大概也師何姓名志淵字東夫道號清真子胄出閬
城之挹秀坊西江戒德堂之別派千里御史之後也世號栢
臺何氏幼習儒素科應兼經值亂北歸遇丁酉歲

國家設貢舉于平陽師中甲科由是免俘入道為黃冠師往
來汾晉間適故天師宋公闢教於彼因得而師事之是時方
鏤雲章遂令師讎校兼領并門鈞天局其餘七局皆隸焉授
以講演之職既而披雲仙去

上命萃板於河東永樂之純陽宮師遂領本宮提舉

掌教真常宗師以

朝命賜師口衣加號淵靖大師師雖外應世緣而雅志在乎雲水故即樂全而營菟裘焉

掌教洞明真人祁公起

師充藏室提點兼純陽宮事又令提點平陽路天師門下道衆其餘建豐碑改宅兆修_玄都師之力居多逮今行年九十而精力不衰親書細字文章邃於口理質而不俚有水谷代腹七卷傳于世此又老師出處之大略也今不遠千里而來敢扒手以請予于清真子為方外友不可以不口口因屬之曰子知師之所以名是觀之樂全者乎嘗試論之人能全於未始有物而復其性之初真積力久心廣體胖則樂矣樂者樂其全也全者全其性也全而至於樂不可以有加爾舉天下之大不足以動其心萬鍾駟馬不足以擬其貴雖簞食瓢飲鹿裘索口有足樂者此古之至人所以足乎內無待乎外

也今師懷道蘊德不慕榮利蓋亦有得於重內輕外能全其
至樂者歟故以之名是觀也甚宜繼而居是觀者誠能顧名
思義於日用飲食之間戒懼省察因其所已學免其所未至
將見其道日新傳之無窮是亦清真子所望於後之人也命
名之意豈徒然哉子既以此復价者請歸書此以為之記

大元國至元二十二年旃蒙作噩律中南呂辛丑朔下絃
後一日甲子樂全觀住持古志靖同眾立石

解州芮城縣巡檢孫亨

前掌教洞明真人大宗師祁志誠

枝芮城縣志樂全觀在縣西北二十五里水峪元進士何
南卿從道創此以居四川按察杜思問記沁州志思問元
沁州長官豐子今揭本題安西王府管田使司提舉新除

錄西蜀四川經略提刑按察司杜思問撰解州平樂縣教諭鄉貢進士程元吉書丹純陽宮掌籍龐志徽篆額元史本紀至元九年十月丙戌封皇子莽拉噶木爲安西王賜京兆爲分地

元史兵志

至元十一年有置安西府屯田事思問

爲營田提舉必是時百官志提刑按察司至元十九年增西蜀四川道本紀至元十六年置西蜀四川道提刑按察司今按此碑首言至元戊寅之冬予待命於長安則至元十五年已立西蜀四川按察司特全蜀未平至十六年始定置耳元史杜豐傳子三思明思忠思敬無思問通志金石記沁川長官杜豐祠堂記碑末書歲丙辰七月二十五日記明威將軍杜思明承務郎杜思忠奉訓大夫僉河西隴右道提刑按察司事杜思問立石卽其證也平遙縣志

杜氏孝感泉記生男次思問以綏德知州奉議大夫僉河
東山西道肅政廉訪司事李鼎沁陽公神道碑公諱豐子
四思明思忠思敬思問此思問爲豐子之證可補史闕碑
云師何姓又云丁酉歲國家設貢舉於平陽師中甲科丁
酉元太宗九年元史選舉志太宗九年詔命斷事官朮忽
斛與山西東路課稅使劉中厯諸路考試分三科中選者
復其賦役卽碑所云設舉中科事末題解州芮城縣巡檢
孫亨前掌教洞明真人祁志誠元吏邱處機傳處機之徒
四傳曰祁志誠卽其人今搨本有解州平樂縣教諭程元
吉元史地理志解州有平陸縣無平樂縣疑樂字誤芮城
至元三十一年八月己丑復立縣見成宗紀此碑有巡檢
而無尹簿等官是未復縣之證

潞城王氏遷葬碑

碑高三尺五寸廣二尺二十一行
行三十五字正書今在潞城縣

本邑西南二里所其地名曰橫底用壬穴葬我高祖諱綱曾
祖林曾祖母申氏□□□昭季於從庚穴而葬之其枝分
派別散處諸邑者當見於宗派圖此不備錄父諱膺生於離
亂平生雅□素崇儒教兼慕(玄)風受長春真人法號曰王仲
道尤推仁樂施周急是心會壬辰粥以濟飢民旬日之間不
啻千數勾者中見一貧士張巨川乏餒幾殞留於家食飲數
日巨川泣曰自得饜飫思妻子在家肯兼容否亦令遽召之
全活巨川□為稚子發蒙之師又嘗為飯食獄中飢者仁心
如此類者平陽□□之試應賦論二科選□第一百四十七
他日過庭先父謂予曰吾身且健汝宜游學吾亦何必□□

□□戀乎余聞庭訓徒步千里之燕然謁諸相府十五年間
三受省檄拜佩任陝西解□交鈔副使次充太原路交鈔大
使又其次克東平路交鈔大使至元十三年受任真定府司
獄再任淄萊路交鈔大使□八年克大名路知事次任大都
留守司兼行工部□貫至元二十一年授將仕佐郎壺縣主
簿兼尉寔是先人積德之明徵先人春煠七十歲□先妣師氏
本縣師濟□之長女性情順謹儀息閨闈受清味真人法名
師祖善享壽七十卒於家□天□□良弼生於興定壬午女
名棠適本州醫工提領劉成之天挺有二子長曰璟殂次男
曰琰字彥玉溫仁如其父女宜嬌適壺林故帥任成孫男安
兜不幸而亡長孫祿劉氏本縣翟店劉□生之孫女內行純
備族叔諱信嬪母師氏無子以弟王鼎過房嗣焉我二子長

曰寬次曰□族□諱義伯母李氏有二子長曰春次曰(曼)族
叔諱進嬭母馮氏有二山主為帥次曰吉仍有房伯二人分
屈黃碾此六裔寔高祖耶耶一祖之派焉竊念父母劬□墳
已概卜宅塋於東南立新阡曰我先君諱膺先妣師氏為祖
至元二十二季歲次乙酉右墓側而安錯之以仰之先人之
□□於予心獨無忤乎愚謂公之純孝聰聽爰訓其他可□
喜為述其梗槩爾至元二十二季十月己亥朔辛酉日韓仲
元記 贊曰

□世□遠 流□□□ 書□考□ □□□慈 遇惡□
避 見善避□

按今潞城縣志金石記有王氏遷葬墓志與此碑文略相
仿可以取證縣志文首有將仕郎壺關縣主簿兼尉王公

良弼持其父行狀謁予云云以碑末文證之良弼名天挺其尉壺關今志不載可補其闕碑高祖諱綱會祖諱林祖諱錫福父諱膺生於離亂會壬辰粥以濟饑民校壬辰金天興元年癸巳天興二年次年金亡金元兵爭兼以饑饉亦生民之大阨也墓志云會壬辰癸巳兵禍饑饉薦臻出米豆爲粥以濟饑民全活甚眾卽其事其曰見一貧士張巨川者墓志云有貧士張巨川乏餒幾殞留於家食飲數日巨川泣曰自得饜飫思妻子在家肯兼容否亦令召之並延巨川爲稚子師與碑文頗合碑云試應賦論二科第一百四十七墓志命子從師學問年逢大有乃就平陽戊戌之試選中一百四十七元史太宗本紀九年丁酉秋八月命木虎乃劉中試諸路儒士中選者除本貫議事官得

四千三十人楊奐傳丁酉試諸道進士奐試東平兩中賦
論第一以墓志及此碑證之平陽之試舉於戊戌可補史
闕碑云余聞庭訓徒步千里之燕然謁諸相府十五年間
三受省檄此文多殘闕墓志三受省檄再佩金符六奉
皇敕一應敕牒充睢州軍儲倉萬石命初入仕任陝西解
鹽交鈔副使充太原路交鈔大使又充東平路交鈔大使
至元十三年授照磨覆料官將仕郎至元十五年任真定
府司獄再任淄萊路交鈔大使十八年充大名路知事次
任大都留守司兼行工部皆可與此碑相參證碑云至元
二十一年授將仕佐郎壺關主簿兼尉與墓志首句官合
碑有長春真人清和真人按長春真人爲邱處機清和真
人爲尹志平皆見長春西游記及長春宮碑元初崇道教

長春之徒不俘不戮時受教者規免禍爾天挺二子長曰
璟次曰珍碑立至元二十二年末題韓仲元記

袁湘碑

碑通額高七尺五寸五分廣三尺一寸三分三十二行行
六十五字額題大元故延安路兵馬總管袁公神道碑十
五字均正書今在臨縣白汶里

大元故延安路兵馬總管袁公神道碑銘 并序

奉議大夫陝西漢中道提刑按察副使姚燧撰

承直郎陝西漢中道巡行勸農副使暢師文書并題

袁虞舜裔也舜生姚墟居鳩汭子孫以地姚姓以水鳩姓以
有天下之號則虞姓及周武封胡公滿於陳以國陳姓以陳
公謚又胡姓袁則肇於陳大夫轅濤塗西京轅固生猶未省
文至後漢太尉安而下始為袁矣其家太原石之臨泉者不

知始何世何人所可譜則在金有隱德農畝者諱亨生廸業
儒博極群書尚氣節不食然諾生企京有父風生鐸丰儀峻
修克世其家學寔生今延安路總管公諱湘字潤夫金之蹙
國王公佐持節鎮葭蘆當吾

元勁兵之衝殫力竭謀

惴不自支一日集將佐使各推辟所知可與計事者或言公
賢為書致之三往返始來用其策以守則完以戰則捷衆論
多之聞諸汴京官以忠顯校尉遇主延安之延長簿再以功
超武節將軍令臨泉石與嵐之合河恃公為藩援以安者五
年後王公佐卒鎮人心離異不可復一公歎曰吾愛一死哉
死而兵民完何害敵以不即下蘊怨積憤於我者為日既久
吾死而捐兵民以甘其心胡_中忍哉遂乘夜載鴈夷濟河歟
我大將字罕營降解所佩誓曰所有貳於公者有如此劍將

李義之相與飲酒盡驪以便宜升臨為州版公為帥遣將州兵略地鄆延悉下之移鎮延安臨民德之寧輕去其鄉不忍去公多携家來從朝廷賞納立功授延安路兵馬總管

時既偃甲兵民方去危即安公敦勸耕稼裁抑游墮使各食其力鄰境聞之逾河而西雖有良田美業不恤願託處深山窮谷者不可勝計公符其守令居借之廬耕助之牛僦生之賢而文寶聳人瞻聲動人聽者如侯立嚴明焦舉張華王明畢美邵瑞張輔之流欲仕者則登之幕府以師羣吏不者則外之學官以範多士由是悍俗消革而禮讓興行矣會大料民止籍主戶漏其僑家浮客者或咎以何獨損吾戶數公曰若欲肥版籍以銜朕耶一日賦役下僑浮生心必計曰等賦役也與避人境而不免何如歸吾鄉之安焉客去而主孤實

亡而名存祇益累也人服其能圖遠其後河東山西果來徙其民公謀使者曰若所以必徙者豈以代吾賦役而汝無得哉吾所籍止主戶未嘗妄以僑浮為土著版冊具在可稽也何如勿徙使各奠其居即是民推擇置吏歲集其賦入是以吾土育爾民奚必其徙其以是歸語汝帥使者而度民已安此雖徙之且道亡不達許之而還尋有

詔令民隨在

占籍公猶仁其僑浮為輕其調庸同列害其能且位加吾上多行金帛貴幸以訟公徵使就辨公贊貴幸幣殊涼薄庭臣以訟者之言方騰能不以賄免顧歎重其忠儉歸益自剋矚四方行李至者相踵廩肉不足為射獵鹿豕以口勞饑之須皆出其家不足則從富人稱貸郡民之豪傑謀曰吾屬依公以生坐視寡乏莫之省憂人曰我何捐金餉之而謝不取及

大封宗室割所治為公主湯沐邑有說公厚飲入謁可結主知且無令同列得先之也公曰吾豈剝下市寵者耶不行

先朝時

今上以太弟之重征南詔駐兵六盤山公見行府建言始延安之籍民為兵皆懸賞募之人率授銀三十兩始行及遠戍久役津餽不如於前老稚日困於家則怯者挺身而孤亡勇者連伍而俱歸軍吏以法誅之莫之能止也非大選閱郡民厚業饒下者更代以休其力盈其氣則兵帳不完

上然其策讓隣道臣之在行府者曰若曹之來其所請求不過官資之崇庠符節之輕重從已私耳而嘗有一白軍民利病如表某者乎聞者愧嚮自是雖不自行遣官屬有所奏請

上公曰若從袁某所來耶言輒報可歲癸丑冬將適京兆未至輿病歸口來唁疾公安之言笑

如平時夫人問焉一旦公疾小加於今日如吾母子寡幼何
惟治命是聞公曰吾平生所為無有不可語人者天將厚予
是外非若知也以十二月十六日卒於正寢年五十有九以
中統三年十一月二十二日歸葬臨州太平鄉白汶里先人
之兆次凡再娶元配馬氏繼配梁氏子男三人馬出一人未
名前公卒梁出二人克忠昭勇大將軍隴右河西道提刑按
察使克良提舉太原採木司女三人馬出伯適定西州尹蒲
察仲德仲適中部縣尹張欽用梁出季適屯田總管折叔玉
男孫四人長仕圭餘未名女孫八人在室十八年燧以陝西
憲副緣囚延安昭勇君自隴右得告家居一際言色固已心
推為鉅人長者若不見毛髮比出緼袴家者古之人有云觀
其子可以知其父矣明年克良持君書與公事狀謁銘墓碑

因得究公為人益自信昔者觀人之不失也蓋嘗論之人生
紛綸尚武之時懦者固不能以自立惟彊之依而彊者或徑
行而無謀亦旋取敗亡善謀矣其力不足以先衆則人亦莫
之信而為之使嗚呼公於此時克樹功業裂地而侯以傳諸
子亦憂憂乎其艱哉是可以載行事於石見白於後世也銘

曰

緊表之先世繼顯賢由金百年力本于田起踣而行篤公之
自逢時未靖實艱初試人求其生雖從雄鳴有距跳踉有翼
奮翔臨泉葭蘆襟帶河山公居其間捷其悖頑智資我謀勇
但吾力我麾我招莫不順適國步未改效死我臣 天

命惟新吾生斯人府葭延長綬丹郵坊我旗樹降千里其疆
朝為通亡夕則樂康人無我敵東而矛戟敏而耕桑哲而蠶

織而方瘡痍孰爾剋剋孰軍孰呻煦手摩撫隣曰時哉爰適
樂土寵方不希釣言不危說進可行 丹宸肯顧不年永

辭延民之思今三十年如在柩時黃髮詔子枚誦其美事上
之忠繩下之嚴生民之仁與人之謙顯親之孝奉己之廉人
一二有公乎具兼延民之思日遠則忘我詩之碑百世昭章
至元二十一年歲次戊子九月二十九日男昭毅大將軍
西蜀四川道提刑按察使克忠建

按碑題奉議大夫陝西漢中道提刑按察副使姚燧撰承
直郎陝西漢中道巡行勸農副使暢師文書元史姚燧傳
字端甫樞從子至元八年爲秦王府文學未幾授奉議大
夫兼提舉陝西四川中興等路學校十七年除陝西漢中
道提刑按察司副使調山南湖北道二十三年自湖北奉

勦兵之衝元史石天應傳辛巳秋八月從穆呼哩攻葭州拔之穆呼哩表授金紫大夫陝西河東道行臺兵馬都元帥以勦兵五千留守葭蘆造舟楫建浮橋先時葭守王公佐收合餘燼攻函谷關將圖復故地及橋成遂潰去此公佐鎮葭蘆之證碑又云將佐或言公賢爲書致之主延安之延長簿以功令臨泉與嵐之合河恃公爲安者五年後王公佐卒公濟河款我大將孛罕營降孛義之升臨爲州版公爲帥元至元二十二年沙門德閑撰通元大師碑大元創天下河東未歸天兵南下先得臨邑改臨爲大定總管府据此是臨邑先降卽改爲大定總管府中統三年更名臨州屬太原是升臨爲州据後改言之也碑云遣將略地鄜延悉下之移鎮延安授延安路兵馬總管時旣偃甲

兵民方去危卽安公敦勸耕稼裁抑游惰使各食其力鄰境間之願託處者不可勝計然則湘授總管當在元滅金後故有時僊甲兵文碑云大料民止籍主戶元史太宗紀八年丙申復括中州戶口得續戶一百一十餘萬在金亡後二年當卽其事碑又云詔令民隨在占籍公猶仁其僑浮爲輕其庸調同列害其能多行金帛以訟公徵使就辨公贊貴幸幣殊涼薄庭臣重其忠儉歸益自剋礪及大封宗室割所治爲公主湯沐邑先朝時今上以太弟之重征南詔駐兵六盤山公見行府世祖紀壬子歲六月入覲奉命帥師征雲南七月丙午禡牙西行然則公見世祖在是時世祖紀甲寅夏五月駐六盤山袁公卒癸丑已不及見矣據碑公卒癸丑十二月十六日以中統三年十一月二十二日葬臨州太平鄉白汶

里子克忠隴右河西道提刑按察使克良提舉太原採木司女伯適定西州尹蒲察仲德仲適中部縣尹張欽用季適屯田總管折叔玉孫男四孫女八燧以陝西憲副錄囚延安得識昭勇君克忠明年其弟克良因請銘墓云臨縣志古蹟穆村峪有元延安總管袁公湘墓又稱公字潤夫家世臨泉金元間以功授延安路總管明正德五年提學陳公論其功從祀孔廟萬厯年提學呂公以湘先仕金後降元革其祀按是時金末元初兵戈擾攘其不能盡忠於一代者甚夥非獨湘爲然也按碑文以錄囚之次歲乞銘墓是題銜爲漢中道者從其乞文時之銜碑以至元二十一年歲次戊子九月二十九日立据年表應作二十五年下題男昭毅大將軍西蜀四川道提刑按察使克忠建縣

志官同元史世祖紀至元十六年二月乙巳西蜀四川道
立提刑按察司克忠題官與元史合又碑有隴右河西道
提刑按察使元史本紀至元十二年四月改西夏中興道
按察司爲隴右河西道二十四年閏月省隴右河西道提
刑按察司碑立二十五年在改名後未能前亦與中興又
按碑云大封宗室割所治爲公主湯沐邑元史食貨志達
賚公主位五戶絲丙申年分撥延安府九千七百九十六
戶可與此碑相參碑見通志金石記

靖應真人碑

碑高四尺五寸廣二尺二寸二十
九行行六十三字正書今在絳州

勅賜靖應真人道行碑

翰林直學士朝列大夫臣李繫奉

勅謹

三洞講經師淵靜大師李永和書丹

至元十一年春正月十有八日靖應真人姜公卒是年冬其門人提點堯禹廟事董若冲而以訃聞且徵詞以表其

行

上追念久之

御

都予

詔臣繫撰述其

事臣學術空疎承

命戰栗然叨預禁林以文字為職誠

不敢以鄙陋辭謹按公諱善信字彥誠人太公

望之後世以

為業父某

輕財重義好周人之急鄉黨

以是偶之母李氏公資稟沉默狀貌奇古自童丱間已有超

俗之志及長白諸父母求為

之

山求其所

師者尋又走商願為季父所追迫令還家

未幾復辭去親知其不可留聽其所如聞蓮峯真人靳道元

住玉洞志操

為門其

○**納**之授以相術諸陰陽輻略之學戒云道家者流以清淨虛無為體謙恭慈○為用不為嗜慾所汨不為虛俗所染○**學**○**矣**○**畢**歿即以法席付之自是而後洞居者十餘歲塊坐一龕心如止水境昇神會萬象了然皆在吾目中矣**醴****結**菴於泉北故以碧雲額之時湯火之餘饑饉荐臻暴骨蔽野公惻然憫之為作黃籙醮凡張趙黃神等**間**公名欲一識其面未暇給也迨己未奉命南伐駐

師曹濮間

召公馳驛謁于

帳殿

行蔑不濟矣

但克敵之後秋毫無犯使江漢之民按堵如故此仁義之舉也上曰吾將拉公以行**人事**多中凡有益於公家

者示欵密而陳之

上嘉納其說已而乞還故山以金

鞍白馬寵其行**其**

聖睠之隆蓋如此癸酉

上遣

使諭公謁

皇子安西王於長安

王待以殊禮造膝

歸一夕召若冲等屬以後事言訖怡然而逝春秋七十有

八是夕二鼓有青虹貫斗之祥既欲□色

舊隱也道俗送

之者以千數自非福德兼具其孰能動人如此其盛者也公

專靜

見禹廟傾圯慨然以修復為事初廟地狹隘又面勢

背河而東甚不稱邦人瞻仰

幾二百楹煥然為之一新廟

成

上褒其功因問禹以所行之道公引尚書太

世猶

古之世也

陛下誠能思政求賢即今之堯舜也

上

悅而從之官

方輻輳共相茲役曾不踰時而能事斯畢告

成于

上賜白金二百兩良田十

起之其經營規度勤

亦至哉昔潘體之棲玉女峰而高宗過之降以御輦陳希

矣若夫堯居五帝之先禹為三王之祖黃帝則正□百物

后土則資生萬彙五嶽圖際冥神居於兵燹之末歲時香火以祝 明天子萬年之壽真人之於圖

霍山參雲 西界清汾 河英嶽靈 鍾乎異人圖 棄

家入道 西走秦川 適遇 蓮峯 而得其秘學之圖

不窺而見 不慮而知 猶桴鼓之相應 曾不假于

著圖 物來則名 一如所言 帝迺憫然 而席為之

前圖 七十八年 歛爾而倦 瞻彼寥天 杳鶴馭兮翩

圖

宣授光宅宮真人董若冲

□□至德大師提點孚惠宮事圖

知孚圖

大元至元二十六年三月清明日記

安口府路等

碑

核碑題翰林直學士朝列大夫臣李槃奉勅撰謝靜大師
李永和書丹核李槃見董文炳傳巴延以宋主入覲時翰
林學士李槃奉詔招宋士至臨安宋亡至元十二年善信
卒至元十一年此至元十一二年槃官翰林之證核碑爲
靖應真人善信而立槃奉詔撰文其云歲己未奉命南伐
駐師曹濮者元史世祖紀丁巳冬十二月入覲於伊克德
附蘇原作也
送烈蘇之地議分道攻宋以明年爲期歲戊午冬十
一月戊申禱牙於開平東北是日啟行歲己未春二月會
諸王於邢州夏五月駐兵濮州與碑己未南伐駐師曹濮
台又世祖紀八月丙戌渡淮辛卯入大勝關壬辰次黃陂
辛丑師次江北九月己酉抵鄂迹世祖己未出師歷江漢

之境故碑有使江漢之民如故語其云癸酉上遣使諭公
謁皇子安西王於長安校癸酉元至元九年安西王莽噶
拉木是年九月封以京兆爲分地元史諸王表安西王莽
噶拉木原作忙哥剌至元九年封出鎮長安以碑所云證之則
安西始封上卽諭善信見之以昔曹濮所對深合治道故
欲令安西於開藩之始獲聞仁義之訓耳碑所云禹廟卽
絳州志中統年修之禹廟

周獻臣碑

碑高六尺六寸五分廣三尺二寸四分三十
行行七十二字正書今在定襄縣南王村

故左副元帥權四州都元帥 宣授征行千戶周侯神道碑
前翰林直學士大中大夫西蜀四川道提刑按察使王利
用撰

勅賜 太清萬壽宮住持三〇講經師賜紫周老智篆額

進士孫男周宗文書丹

周氏之先出自姬姓黃帝裔孫后稷封於陳子不窋曾孫慶

節國於幽越七世古公亶父徙居岐之〇原故國號周武王

克商十一世平王遷都王城厥後秦滅周黜赧王為庶人百

姓稱為周家因氏焉其孫有曰邕者邕生秀秀生仁漢興續

周之嗣三國六朝隋唐五季周氏顯達不可縷數河東周氏

亦仁之後也我大元有授千戶侯者諱獻臣字夢卿宋金以

來世居忻州定襄縣曾大父萬業農以孝弟稱大父慶嗣字

榮甫六經教授鄉里父丕顯字著明質直尚義嘗拔獲鹿冤

民既奴而良者凡二千人心自謂曰吾子必有高大門閭者

母王氏生三子〇日鼎臣字器之為學臨政出處大節遺山

元丈撰陽曲令墓表已悉之矣季曰進臣字

大卿定襄丞仲

即侯也侯性穎悟素習科舉復事武學

金貞祐初中原受兵

閱再祀雁門破游騎駸駸而南定襄膺其衝要侯慨然聚里

人威屬堡南山之隅明年春大兵至侯知河東不可

保必矣

曰此天也天可違乎與其徇匹夫之節曷若全萬人之命乃

率眾迎謁郡王于軍門王悅時承制拜授定襄令其未

附之民在堡障者侯懼懼欵諭俾復田里遂從王南略大

原遼沁晉絳河解嚮風內附未幾安集靈夏前後服勞口將

十稔雖王之威聲素振所向無前其斬將擐旗招攜伐貳而

侯與有力焉勲升九原府左副元帥權四州都元帥行九原

府事草味始分凡百廢置遂乃創官府立城市關土田勸耕

稼頓使斯民口還舊觀復從王東征趙魏既平齊魯旋定丁

亥春正月恒山武仙圜忻州

王遣侯分兵赴援遇恒山驍

將姬節使

干州

之南原而姬兵

甚

熾侯謂戲下曰先人有奪

人之心况彼眾我寡不可緩也遂

隔

陣而入士卒繼之所至

無不

辟

易姬帥敗斬首三百餘

級

忻圍既釋人皆曰侯可

謂

勇而有謀謀而有斷也復暮月

武

仙遣董祐襲孟州遂侵

我南鄙侯帥師禦之董援兵復至

解角

馳逐互有勝負侯為

流矢中頰戰氣愈作大敗敵於孟之

石

甸俘虜數百人董

僅以身自是武黨膽落不復為寇

矣庚

寅秋車駕南征令

侯屯

守

大勝三陵

等

寨以禦口口法錫以銀符

繼

而取洛陽

平蔡州鎮臨內伐西蜀侯暨

行省郝公咸預其列庚子行

省條侯始終之

續

以

聞

上嘉之宣授征行

干

戶佩以金

符

太原路卒伍

諫

焉甲寅侯

以春秋

日盛

急流勇退優游

里社

聞延賓友教

子孫日以自

娛遠山先生與侯有姻戚

之好嘗贈侯樂府有

關心老來姻

嫁要與君鄰屋

共重

霞之句其為宿儒碩士愛重也如此中

統壬戌秋七月五日以壽終於所居之正寢享年七十有四

越七日葬于定襄南五里之西原

父

先塋也侯幼而讀書及

壯而行之也處心以誠待物以恕臨下以簡居官以嚴舉錯

施為

皆中禮度以至

醫卜占候

之學亦臻其極

其從事軍旅

也治兵有法臨敵有勇功不獨擅苦與衆同

且號令賞罰示

以明信所以將士畏威懷惠而樂於用也凡有俘獲必使骨

肉完保

或

從而良之故得年壽口永瞑目全歸遺

風餘烈

垂

裕後昆古所謂天祐善人良

有

以也夫人相繼而室者六曰

任曰司曰杜曰劉曰韓曰王輔佐君子

咸有助焉

三子

允中

敏中時中允中字仲和勇而義質而文剛而無虐承父爵而

佩金符時四川蠻夷城邑有未下者悉平定焉邊外宣武將

軍太原路行軍總管敏中字仲誠忻州諸軍奧魯長官與魯

蓋

本朝軍人族屬之名也時中字仲隨以家政自居女五人長

適樊大羽次適張仁傑次適養夾州牧民之職次適太原蘇

珪次適西蜀四川道提刑按察副使平遙縣梁天翔孫男九

人宗彞監忻州酒宗武就襲金符復受千戶之

命宗文宗信宗藝宗政宗瑛宗祐侍者孫女一十人長適蒙

古治中次適魯氏次適劉氏次適李氏次適郝氏次適甄氏

次適劉氏次適王氏次適梁氏次翠鸞重孫男一十人永安

重安來安平安勝寶鹿兜扎忽歹答罕歪兜歹兜重孫女八

人至元丙戌余任四川憲司侯婿通倅梁奉議持經歷王承
事所具侯行實之狀再四而請曰婦兄仲和與君有一日之
雅周侯神道碑銘國中前已見許矣願無讓庶塞見許之命
余惟仲和傾蓋如故其請銘之恨固不可忘况奉議梁公有
同僚之分以義言之又不可辭因系之以銘銘曰

姬姓之先 后稷公劉 大王遷岐 肇造曰周 本支

綿綿 延篤其美 公侯子孫 必復其始 河東周侯

世居於忻 以儒起家 以武立勲 惠及于人 義

形于色 推亡固存 度德量力 贊翊

我朝 幾四十年 未老致仕 沈幾物先 遺勲餘澤

流及後裔 日子曰孫 復能自勵 定襄西原 高

樹豐碑 精爽 在此 厥聞四馳

大元至元二十六年十月二十五日

宣授宣武將軍太原路行軍總管長男周允中

忻州諸軍與魯長官次男周敏中 次男周時中立石

北五州陰陽官提領邢德輝

定襄南邢石匠提領薛仲欽 薛仲祥刊

石匠羅世才

按碑題前翰林直學士西蜀四川道提刑按察使王利用
撰太清萬壽宮住持老智篆額進士孫男周宗文書丹按
元史王利用傳字國賓通州路縣人選贈中書令太原郡
公籍之七世孫幼穎悟弱冠與魏初同學遂齊名諸公交
口稱譽之初事世祖於潛邸中書辟爲掾辭不就中統初
命監鑄百司印章歷太府內藏官出爲山東經略司詳議

官遷北京鄂囉

即吳魯

同知歷安肅汝蠡趙四州知州入拜

監察御史擢翰林待制兼興文署

奉旨程試上都隆興等路儒士

升直學

士出爲河東陝西燕南三道提刑按察使四川提刑按察

使大德二年改安西興元兩路總管碑立至元二十六年

正利用提刑四川時周宗文周千戶子允中之子定襄縣

志進士周宗文與此碑題合碑言公名獻臣字夢卿宋金

以來世居忻州定襄曾大父萬業農大父慶嗣字榮甫教

授鄉里父丕顯字著明嘗拔獲鹿冤民旣奴而良者二千

人母王氏生三子曰鼎臣字器之爲學臨政出處大節遺

山元丈撰陽曲令墓表悉之

遺山集陽曲令周君墓表君諱鼎字器之姓周氏世爲定

襄人曾大父萬力田爲業大父慶嗣字榮甫通六經教授

鄉里鄉人尊之父丕顯字著明質直尚義好交結四方獲

鹿世家有以女婢誘陝右饑民爲贅壻者歲旣久並所生

直隸所生女從母其餘皆奪爲良君貞祐乙亥登第釋褐
徵事郎五臺主簿母艱起復定襄丞明年遷陽曲令權河
東轉運司戶籍判官一府倚辦於君君悉力經畫取於民
者均而給軍者無所枉內外翕然以公平贊之又明年雁
門破兵勢駭駭而南鄉曲以太原不可保趣君弟獻臣謀
去就君爲獻臣言城不保必矣我臣子也尚欲逃死乎乃
與之泣別於北門之外是歲城陷沒於兵實興定二年九月六日也按墓表所言周君三代
名皆與此碑同惟此碑言父不顯拔冤民奴而良者二千
人墓表止及釋贅壻爲良事又此碑言不顯生三子曰鼎
臣字器之亦與墓表言諱鼎字器之異碑言季曰進臣字
大卿定襄縣丞次卽侯素習科舉復事武學金貞祐初中
原受兵閱再祀雁門陷明年春大兵至侯率眾迎謁郡王
於軍門王悅時承制拜授定襄令遂從王南略太原遼沁
晉絳河解向風內附勳升九原府左副元帥權四州都元
帥行九原府事通志金石記九原府元帥張安甯墓表下
忻州改九原府不見於史僅世祖至元三

年有以代堅崞臺諸州隸忻州之文元制以路領府以府領州所云忻州實九原府又此碑下言四州卽代崞堅臺此元初以忻爲九原府路領代崞堅臺四州之證按九原府見元史傳通志未核

從王東征丁亥

春正月恒山武仙圍忻州王遣侯分兵赴援敗其將姬節

使期月武仙復遣董祐襲孟州遂侵我南鄙侯敗敵於孟

之邱石甸武黨膽落不復爲寇庚寅秋車駕南征令侯屯

守天勝三峻等寨繼而取洛陽

金史天興元年三月丁亥大元軍平中京按時以洛

陽爲平蔡州

元史太宗五年六月金主奔蔡塔

鎮關內元

太宗紀七年皇

伐西蜀

元史太宗八年

坐勝侯墜行省郝

子奎騰征秦鞏

太宗紀十一年己亥皇子奎

行省條侯

公咸預其列庚子騰軍至自四川庚子十二年行省條侯

始終之績以聞授征行千戶佩以金符太原路卒伍隸焉

甲寅憲宗四年

侯以春秋日盛急流勇退優游里社中統壬戌

七月五日終於所居之正寢年七十四三子允中字仲和

承父爵佩金符四川蠻夷城邑有敏中字仲誠忻州諸軍

未下者悉平之太原路行軍總管敏中字仲誠與魯長官

時中字仲隨女五人長適樊大羽定襄縣志天勝次子忻州管民官改受同知武

州次適張仁傑縣志安甯次子忻州知州次適襄夾俱受

忻州牧民之職次適太原蘇珪次適西蜀四川按察副使

梁天翔平遙縣志西蜀四川道肅政廉訪使梁公神道碑

州僉嶺南廣西道按察司事改奉議大夫西蜀四川道提

刑按察副使授浙東海右道提刑按察副使未上廿六年

雲南行御史臺授侍御以碑文證孫男九人宗彝監忻州

之爲憲倅西蜀在至元二十三年孫男九人宗彝酒稅

宗武襲金符宗文宗信宗藝宗政宗瑛宗祐侍者孫女十

人重孫男十人重孫女八人以碑所載周侯子孫可謂蕃

衍矣校武仙事金史甚略此碑丁亥仙圍忻州襲孟州事

皆可補史闕續通鑑寶慶元年金正大二月壬辰蒙古武

仙叛殺河北西路都元帥史天倪天倪弟天澤擊之仙敗

奔西山十一月仙結死士匿真定城夜斬關而入據之寶

慶二年

金正大三年

一月蒙古將史天澤薩乃台合攻武仙仙

走西山寶慶三年

金正大四年即丁亥

十二月蒙古史天澤在真定

以高公抱憤諸砦乃武仙之巢穴帥兵破之仙走入汲縣

是丙戌丁亥間仙實在西山故得出略忻孟金史仙傳正

大二年仙賊殺史天倪元大將薩納台

原作笑乃解

討仙仙走

閏月乘夜復入真定薩納台復擊之仙乃奔汴京五年召

見復封恒山公置府衛州而不及奔西山略忻孟事又董

祐見仙傳仙部將董祐有戰功賜虎符仙畏其逼已使祐

使河北其後竟殺之碑言至元丙戌

至元二十三年

余任四川憲

司侯壻憲倅梁奉議

即梁天翔

持經歷王承事所具候行實之

狀再四而請利用傳天翔碑皆無爲四川提刑按察使副

年月證以此碑則至元二十三年正利用天翔任四川時又碑云仲和與有一日之雅關中已見許矣是利用允敏中撰碑在任陝西提刑按察副使時定襄縣志周獻臣周宗彝周宗文皆系之金誤

周鼎死金自獻臣以下皆仕元備見此碑碑文亦載縣志而乖

并乃爾所不解也

今據本多漫漶據縣志補按碑言侯率眾迎郡

王於軍門以下文從王東征趙魏既平齊魯旋定文考之

元史本紀二十一年丙戌郡王岱遜圍益都十二月李全

降

全字益都則郡王者岱遜也

按碑丁亥正月武仙圍忻王遣侯赴援時穆呼哩已卒故知爲

遜碑言貞祐初中原受兵閼再祀雁門破按元史元初取

代凡二次一在太祖八年癸酉爲金貞祐元年卽皇子卓

沁察罕台諤格德依之軍拔汾石嵐忻代武等州而還者

是也一在十三年戊寅八月爲金興定二年卽穆呼哩之

軍自西京克太原平陽忻代者是也碑云代陷在貞祐後

卽指興定二年

金史本紀興定二年八月乙卯大元收代州九月下太原周侯降元卽在是年穆

呼哩之兵迄末元初事史不詳者極夥此碑可資考證碑

立至元二十六年末題宣武將軍太原路行軍總管長男周允

中忻州諸軍與魯長官次男周敏中次男周時中立石均

與此碑所述諸子官合又按九原府不見元史地理志而

見於傳元史郝哈尚巴圖傳戊子爲九原府主帥錢詹事

大昕廿二史考異王磐郝和尚碑忻州戊子歲升九原府

與元史合碑所謂行省郝公者卽郝哈尚巴圖元史傳庚

子歲拜宣德西京太原平陽延安五路萬戶己酉升萬戶

府爲河東北路行省得以便宜從事凡四年壬子三月卒

此行省郝公卽郝哈尚巴圖之證碑見通志金石記

池神廟碑

碑高八尺五寸廣四尺二寸二十八行行六十八字
額題新修鹽池神廟之碑八字均正書今在運城

解鹽司新修鹽池神廟碑

正議大夫參知政事澤陽人趙仁榮題額

安西王府諮議古奉先李庭撰

承直郎簽河東山西道提刑按察司事弟毓書丹

按尚書洪範五行一曰水水曰潤下潤下作鹹此鹽之根本
也五行之氣無所不在水周流於天地之間潤下之性亦隨
所寓而有焉其味作鹹凝而為鹽鹽之所出品類頗多就其

最著者言之其出於海與井者須資人力烹煉而成出於解
之兩池者則治畦其旁咸夏引水灌之得東南風起一夕成

鹽蓋資于天非人力所能與也天之造化神實尸之此有司

所以致謹於祀事焉而不敢忽歟夫鹽食肴之將生民日用而不可闕者也殷高宗命

傳說曰

若作和羹爾惟鹽梅周禮

鹽人掌鹽之政供百司之鹽圖經引穆天子傳有安邑觀鹽池之語春秋左氏傳成公六年晉人謀去故絳諸大夫皆曰必居郇瑕氏之地沃饒而近鹽即此地也歷代以來皆置官司漢武帝以東郭咸陽孔僅為大農丞領鹽鐵事鹽利之興始見於此後魏及隋嘗舍其禁與民共之然為富民專取而貧民重困乃復歸之於官唐初隸度支歲得鹽萬斛以供京師大曆十三年秋霖池鹽多敗度支侍郎韓滉奏雨雖多不害鹽仍有瑞鹽上疑其不然遣諫議大夫蔣鎮往視之還奏實如滉所言乃賀帝請置神祠錫以嘉名上從之號曰寶應靈慶池封神曰靈慶公宋初兩池置官八而州有推鹽院守

貳領之使民入粟于塞下與鈔以給鹽一歲之出無慮四十萬席其利既博而法益密矣元符元年霖潦彌月溝澮皆盈壞官亭鹽室不可勝計謀臣議士使駟旁午睥睨惶駭莫知所以拯之之術崇寧四年春遣耀州觀察使王仲千葺丁夫同山谷之汎濫完隄防之圯缺周池之壩作護寶隄百餘里又於隄之南起外堰以殺水勢外患既弭客水浸涸是歲鹽寶初成凡境內祠廟皆賜之封號兩池之神東曰資寶公西曰惠康公初年課纔十二次年倍之越三年遂底成績大觀二年加以王爵金朝因之解州安邑皆有神祠經金季兵火蕩無孑遺其環池地鹹鹵皆不可井飲惟兩池中間有淡泉水特甘涼舊有龍祠崇寧間封為普濟公歲當炎暑常役萬人取鹽苟勺飲不繼則渴死者過半酌泉飲之則免於病

聖朝開創就泉北二里許治鹽司事至癸丑歲
今上皇帝方經略川蜀規措軍儲用度置從宜府右丞忠宣
李公寶當其任值頻年霖雨遂失大利咸以國計為憂乃
禱于神寶氣凝結遂收五歲之積奏奉

聖旨建立二王神廟俾春秋祭祀焉於是鳩工聚材舍舊圖
新建正殿於中央翼以列廡繚以崇墉像設儀衛煥然一新
經始于甲寅落成于乙卯乃不遠數百里遣价來長安謁予
為記予告之曰嘗聞天下名山大川有能產財用者考之祭
法宜在祀典况茲寶池歲出億萬計所以佐國用備邊儲
通寶賈之貨省飛輓之勞誠公家之外府也財用之產孰
踰于此是宜廟食其神以報休德因為叙其興造歲月俾刻
之石而繫之口

詩曰

晉甸之野 天啓靈池 鹹維是產 軍國攸資 歷代
明王 咸勤祀事 旨酒馨肴 以荅神賜 炎炎劫火
廟貌（舊）墟 瓦礫荆棘 狐兔燕居 聖哲臨朝 德
參天地 地不愛寶 日增謀利 爰擇爽塏 載葺新
宮 棟宇華煥 像設尊雄 亘千萬年 享此血食
刻詩貞珉 垂名罔極
大元至元二十七年八月十五日

解鹽場管勾趙璟

管勾齊霖

吏目楊文蔚

解鹽司判官郭榮

進義副尉解鹽司副使亢澤

承務郎解鹽使陝思丁立石

按碑題正義大夫參知政事深陽人趙仁榮題額安西王
府諮議古奉先李庭撰承直郎簽河東山西道提刑按察
司事弟範書通志金石記碑稱癸丑歲方經略川蜀規措
軍儲用度置從宜府右丞忠宣李公賁當其任元史李德
輝傳世祖受京兆分地擇廷臣能理財賦者俾調軍食立
從宜府以德輝爲副使姚燧李忠宣公行狀卒贈光祿大
夫中書右丞諡忠宣與此碑合李庭字顯卿華州奉先人
在金朝應詞賦進士舉元中書胡君行省陝右辟爲議事
官中統元年廉相國平章商參政左山復莅宣撫署爲講
議至元庚午敕授京兆教授癸酉安西王開府以爲諮議

王府事壬午卒於安西學舍年八十有四有寓菴大全集

見集後王博文撰墓志此碑在第七卷碑內闕文照補碑

所言唐大歷十三年秋霖有瑞鹽事見新舊唐書紀志傳

及崔敖頌宋元符元年霖潦壞鹽事見宋史食貨志元符元年

水壞鹽池三年詔薛嗣昌提舉開修解州鹽池初解州東有大鹽澤綿亘百餘里歲得億萬計自元符初霖潦池壞

至是乃議修復崇甯四年池成凡開二千四百餘畦今運百官皆賀內侍王仲千者董其役以課額數溢爲功

城志宋崇甯四年鹽課豐羨封東池神爲資寶公西池神

爲惠康公大觀二年進爵爲王甘泉廟宋崇甯封普濟公

皆與碑合李德輝傳字仲實通州潞縣人癸丑憲宗封宗

親割京兆隸世祖立從宜府以德輝爲使世祖紀歲癸丑

奏割河東解州鹽池以供軍食碑所言右丞李公當任者

卽其事也碑以頻年霖雨遂失鹽利禱於神收五歲之積

奉旨立廟祠成而撰文碑末題至元二十七年八月十五

日解鹽場管勾趙璟管勾齊霖解鹽司判官郭榮解鹽副

使亢澤

見通志

解鹽使陝思丁

通志

元史百官志解鹽

場管勾正九品同管勾從九品又元至元二十九年罷解

鹽司此碑立二十七年故得書解鹽司

金史百官志解鹽司有使一員副使

二員判官一員此碑有解鹽使副判官則猶用金制

又按趙仁榮屢見元史本紀大

德七年三月己丑遣使撫循諸道趙仁榮往江南湖廣八

年正月丙寅江南行臺中丞趙仁榮爲中書參知政事至

大元年七月癸亥參知政事趙仁榮爲太子詹事趙炳傳

字彥明惠州潯陽人子仁榮仕至中書平章政事校卽本

紀之參政趙仁榮元有二趙仁榮以碑題潯陽考之知此

爲炳子碑見寰宇訪碑錄

壽陽學記

碑已殘裂就損本計之高四尺一寸廣一尺八寸
二十行漫漶過甚行字難稽正書今在壽陽縣

壽陽縣新學記

新興元好問撰

奉直大夫簽河東山西□□□按察司□□□書丹

□□張仲□□

近代皇統正隆以來學校之制京師有太學國子學縣官館
廩生徒常不下數百人而以祭酒助教博士之等教督之外

及陪京總管太尹府節度使鎮防禦州亦置教官生徒多寡
則視州鎮大小為限員籍屬之由左遷者率以提舉繁衝係

籍生附於京府各有定在外縣則令長司學之成壞與公廩
相授受故往往以增築為功若化進之路則以詩賦明經取

士預

此選者多至公卿達官捷徑所在人爭走之文治既治

鄉校

家塾並誦之

音相聞

上黨高平

之間土或帶經而鋤有

不待風厲

而樂為之者化民成俗槩見於此自太安失馭中

夏版蕩民居

官守燬為焦土天造草昧方以孤矢威天下俎

豆之事宜有所待

也甲辰之春予歸自燕雲道壽陽知有新

學往觀焉見其堂廟

齊廡若初未嘗燬而又加飾焉者問所

以然諸生合辭曰吾

邑舊有廟學元祐中知縣事張不渝實

更新之既乃廢于貞祐甲戌之

兵大變

之後

殘民無

百家之

聚縣

從事李通李天民者

竊有修學之議而病未能也會臺

牒下于壬寅之冬課所

在舉上

丁釋菜

之典乃

得偕令佐

暨

縣豪傑諸人經度之越

三年而後

有成久欲謁文吾子以紀

歲月願以

斗

食之役之故而無以

自達也

予因謂

二三君言

公輩不知學校為大政乎夫風俗

國家之元氣而禮義由

賢者出學校所在風俗之所在也晚

俗塗民耳目尚何事於

學如日如之何使吾民君臣有義而父子

有親也夫婦有別

而長幼有序也則天下豈有不學而能之者

乎古有之有教

無類雖在小人尤不可不學使小人果可以

不學則武賊之

弦歌當不以割雞為戲言矣予行天下多矣

吏姦而漁利酷

而屠假尺寸之權

民膏血以自腴者多矣

崇禎字倭佛老

捐所甚愛以求非道之福頻

申顯昭化瓦礫之場為金碧者

又不知幾何人

也有能自拔於流俗崇儒重道如若人者乎

且子所言無以自達者亦過矣興學之事賢相當任之良民

吏當為之賢相不

任良民

吏不為曾為斗食吏不能振起其

後乎使吾不為記茲學之廢興則已如欲言吾知張不淪

之後惟此兩從事而已

奚以斗食之薄萬鍾之厚為計哉通

字

彥達縣人天民字仲先上世秀容人其先世皆儒

素云

至元歲

在庚寅季冬既望

國子學助教王載

前太學生豫章伶

思賢

忻州學正張

彥

主簿蕪尉唐

敦武校尉

校碑題奉直大夫簽河東山西

關

按察司

關

書丹張仲

關

文見遺山集廣元遺山年譜甲辰年五十五歲學記即撰

於是年壽陽縣志記所言皇統正隆學校之制詳見金史

其云邑舊有廟學廢於貞祐甲戌之兵

金史五行志元史本紀有癸酉年元

兵攻太原文而無甲戌犯
書陽文得此可補其闕

臺牒下於壬寅之冬課所在舉

上丁釋菜之典元史祭祀志中統二年夏六月詔宣聖廟
及所在書院有司歲時致祭月朔釋奠据此記則備瑯錦
六與后稱制之年已舉釋菜之典不俟中統也可補史闕
末題至元歲在庚寅季冬既望縣志按元文則學修於壬
寅癸卯間記作於甲辰至至元庚寅凡四十有七年乃碑
末著至元歲在庚寅季冬既望今據碑陰許惟一記乃記
學諭郝君刻碑年月非謂學修於至元間也又碑題國子
學助教王載前太學生豫章伶思賢忻州學正張彥
簿兼尉唐
敦武校尉
思賢有平遙樂安會記見今碑
本又有介休宣聖廟記見介休志遺山集考證此記以祭
酒助教博士之等教習之金文選等上無之字今集本縣

志本碑本皆有碑立庚寅實至元二十七年碑見通志金石記

澤州長官段公墓碑

碑高七尺廣三尺四寸五分十七行行四十字字徑一寸六分正書篆額今在鳳臺縣

澤州長官段公墓碑銘

承德郎右贊善大夫劉因撰并書

翰林侍讀學士朝請大夫知制誥同修國史李謙篆額

公諱直字

正

卿姓段氏世爲澤州晉城人少英偉有識慮甲

戌之秋南北分裂河北河東山東郡縣盡廢兵凶相仍寇賊

克斥公乃奮然興起率鄉黨族屬爲

約

束相聚以自守及

天子命太師以王爵領諸將兵來略地豪傑並應公遂以衆歸之事定論功行賞分土傳世一如古封建法公起澤應得

澤遂佩黃金符爲州長官凡廿餘年方天下初集

國家以澤衝隘別置守兵主將不善制御恣其侵暴久之山民不勝其橫往二自棄爲羣盜公上言願罷守兵請身任諸隘保其無虞

朝廷從之羣盜遂息公見澤民避兵者多未復乃籍其舍業於其親戚鄰人戶末約曰俟主還與之戶如故分出賦如業是以民多還集且戶額少而丁業優故賦輕而易足兵後屢饑其還民無產者復不能自生公爲出粟食之不使流散時新法藏亡甚嚴鄉民不一二曉知澤當諸軍往來之衝病俘多亡畱民家者若以藏論籍沒從坐保伍爲空公乃豫爲符券爲官使收養以俟諸軍物色者後凡畱俘家皆得以不藏釋州民被俘他郡者公多爲購得之兵死暴露者公必爲收

瘞之當大變之餘兵氣未已生意未復而澤風翕然以爲樂
土矣公又大修學堂筵齋廡庖厨惟備仍割負郭良田千
畝購書萬卷以給之州人李俊民在金時以明經爲舉首後
國朝亦被累徵賜號莊靖先生蓋有道之士也是時方避地
河南隱約自處公迎而師之凡澤之名士散在四方者亦必
百方招延必至而後已故不五六年州之學徒通經預選者
百廿有二人時今上在潛邸有以公興學禮士聞者嘉之特
命提舉本州學校事未拜而公卒年六十五子紹隆嗣後三
十三年紹隆遣其子倪從事李贊持公行狀及莊靜所作州
學記造某所贊贊倪代紹隆拜曰請先生銘先公子核傳記
初澤俗道樸民不知學至朱治平中明道程先生爲晉城三
年諸鄉皆立校暇時親至爲正兒童所讀書句讀擇其秀異

者為置學舍糧具而親教之去邑經十餘年服儒服者已數百人由是盡宋與金澤恆號稱多士故公雖不學起行間然其生長見聞必有起其趨向者故當用武之際獨能以立學為先敦勸修舉使前賢數百年之遺風不遂廢墜謂倪乃祖用是富銘倪應曰諾謹拜銘之賜公考諱順妣趙氏夫人衛氏勤儉有禮公既一意公事凡其所以成家教子者咸內助之力也張氏馬氏李氏亦皆賢淑子男四經隆今以遷轉法行加武略將軍移知葭州國初凡守親王分地者一子當備宿衛紹先宿衛王府紹相早卒紹宗未仕女一適裴氏孫男六倪儀信傑佐仁女四長早卒次適何氏郭氏李氏卒於甲寅六月三月而葬葬建興鄉沙城里先塋公平生朝京師一朝王二王寵賜甚渥初太師承制封拜時授潞州元帥府右

監軍云銘曰

天荒澤方庸試程氏邦家幾時春風百世生為後民為幸已
多矧嗣守土公如幸何以富以教循序兼盡公焉取斯承此
餘壽公生閱勞謂樂斯驕閱其室中睡然蓋公公生用武謂
如貔虎迹其嬉遊泮水優柔魯城逆戰不以兵壞既安既寧
宜爾多賴不遠公阡大刻銘詩於戲澤人勿替爾思

此澤州長官段直墓碑劉因撰碑似四面刻止拓其第一
面文不全据靜修集補足全文靜修書法亦佳文無立碑
年月金石記次於至元二十七年据劉李二先生本傳考
定二先生書文篆額皆係里居時所作想得見全拓本矣
玉律徒德政碑

石高一尺三寸廣二尺六寸七分四
十行行三十三字正書今在靜樂縣

管州知州王律徒德政記

儒學教授岳傑撰

鄉貢進士郝祚書丹

德以治民弗威自理身以率正不令而行夫務者以去穢為
先政者以德賢為本竊視今之從政之官或內交于朋黨或
要譽於鄉民妄摭其名莫知其實自衒其功妄生毛羽質幹
才能什無一二故忠道者寡與逐俗者多嚙由此觀之諒由
舉枉奈何管州并所隸_寧化樓煩二郡居民傑異地道靈名
敬值

阿只吉大王 諸王駙馬王府官員屯軍三載騏驎盈郊豺
貅塞野於至元廿五年內幸蒙我公 知州王律徒乃見貫
高唐族宗蒙□

宣授承務郎管州知州兼諸軍與魯管內勸農事赴任撫按
斯州下車而三郡安寧一政而諸軍協畏良堂堂國之光輝
威稟稟邦之司直屬吏同僚莫不畏愛敬

上無私支持有則

奏驛馬民免逋逃告支持人無疾苦諸州仰德三郡聲仁折
衝禦侮剛毅無私弱以不欺強以不懼決疑訟片言之聞折
是非兩辭之內強徒破膽平庶開顏順法從公安民脩已近
幸

口史監察口行真口口前才狀保薦重任曰夫公之政事尤
長授祿微薄他日薦名必獲重職公乃愈脩學校教育成材
勸課農桑急於務本名昭實著上口相親愚等擊節嘆曰公
之德惠無可為酬欲弊交而奈何其廉欲取奉而寔懼其正

於是命工刊石敷暢公賢異口英名垂之不朽耆眾謁予題
端敬書懿德者矣

至元二十九年正月 日本州耆老等立石

管州前次三官高鎮

管州酒稅使張繼先

管州酒稅使鄭忠

管州酒稅使王伯元

醫學正白鐸

醫教王仲祥

鄉耆老韓蓋 吳從甫 劉拔督刺 閻伯通 崔寶

李全 白均 李存 任昇

省差管州前都目榮均

省差管州都目李 郁

將仕郎管州判官兼捕盜靳繼昌

忠顯校尉管州達魯花赤諸軍與魯兼管內勸農事乞力

哈女

按碑題儒學教授岳傑撰郝祚書丹碑言管州并所隸甯
化樓煩二郡云云元史地理志管州下唐以靜樂縣置後

州廢屬嵐州後又爲憲州宋爲靜樂軍金爲靜樂郡又改
爲管州元太祖十六年以嵐州之岢嵐甯化樓煩併入本
州至元二十二年割岢嵐隸嵐州而甯化樓煩併入本州
金史地理志甯化州下刺史本甯化軍嵐州下宋舊樓煩

郡軍事是甯化樓煩在金爲郡元初始降爲縣碑所云二
郡者据金舊也碑云阿只吉大王諸王駙馬王府官員屯

軍三載騏驎盈郊貔貅塞野下有二十五年幸蒙我公知
州玉律徒云云此至元二十五年諸王屯兵管州之證碑
有云高唐族宗者元文類有駙馬高唐忠獻王闕里吉思
碑玉律當其族人碑有管州判官兼捕盜靳繼昌忠顯校
尉管州達魯花赤諸軍與魯兼管內勸農事乞力哈女州
判而以捕盜入銜諸碑罕見可爲考元初掌故者之助按
元史本紀至元七年二月立司農司設四道巡行勸農官
典章云仍委所在親民長官常爲提點年終通考農事成
否類申司農司任滿視此爲殿最多羅台傳大德元年升
武州達魯花赤兼管本州諸軍與魯勸農事皆可參

請通公疏

碑高一尺二寸七分廣一尺七寸四分
十八行行十四字正書今在永濟縣

外護功德主 砌請疏

通公長老 持棲巖禪寺

竊以鷲嶺名聞因如來之一到廬山價重得惠遠之常居維
中條千古之棲巖寔蒲坂一方之勝槩久虛法席佇待英流
茲聞通公長老默提祖印大轉法輪咸稱覺海之舟航獨聳
叢林之標準與其雜稠人而居鬧市不若伴古佛以住孤峯
絕境軒邊林麓四時蒼翠合望川亭上雲山千里盡圖開聚
石為徒磨磚成鏡簷蔔香中談義諦毗盧境裏放光明飛錫
一臨不獨茲山之改色傳燈普照_卽非閩郡之增光卽興一
行毋勞再請謹疏

至元三十年五月 日

承直郎前四川鹽茶轉運使司判官裴居義

朝列大夫四川南道宣慰副使裴居敬

按此碑爲請通公長老住持棲巖禪寺而立末題至元三十年五月日有前四川鹽茶轉運司判官裴居義四川南道宣慰副使裴居敬元史百官志至元十六年復立興元四川轉運司十八年併入四道宣慰司十九年復立陝西四川轉運司二十二年置四川鹽茶轉運司有運判一員碑立至元三十年在二十二年置四川鹽茶運司後故得以四川鹽茶轉運判官入銜判官卽運判居敬見永濟縣志蕭軒裴參政神道碑碑言公諱居敬字文簡先世州里族系閩閩具民匠府君碑公孝友惇恪開朗清徹博學知政治有濟時之具中統改元公陪宿徧至元九年奏兼王府掾掾卽安西王歷升陝西行臺侍御史及今職則皆不能赴明年

遂不起碑首言至大元年中奉裴公卒於河中府居第之
寢壽六十四葬河東縣陶邑鄉文學邨兆次又縣志選舉
居敬元儒士然則居敬卽河東人故棲巖請長老疏列其
名爲重元史地理志至元十六年立四川南道宣慰司今
縣志裴公碑無爲四川南道宣慰使明文而有四川宣
慰使謝裴公事合此碑證之裴爲宣副當在至元三十年
前

長治重修孔廟碑

碑高四尺三寸五分廣二尺三寸五分二
十一行行三十四字正書今在長治縣

重修宣聖廟記

洵川進士王國器撰

本村崔玉書丹并篆額

夫古之謫郡自漢唐而降為雄藩巨鎮矣其土疆沃美高厚有陵墳衍之大太行環固形勢雄壯中高而立下以為天下脊則其間分邑布縣雜犬牙之勢皆以上黨為甲而上黨之境山明水秀泉甘土肥者惟內王尤可嘉焉背紫雲面洶川雄峯聳其左潛龍壯其右厥田霑滋宜黍宜稷民物熙熙既庶且富雖庸人小童皆以不知書為恥方當

聖元承平日久人皆樂業間巷延綿相属接棟連甍無尺寸間隙之地中有古

宣聖廟右有廣文樓存焉不知其幾年於茲矣歲月彌久風雨飄漬棟宇摧毀疎漏甚不稱祭祀之儀亦非所以重神靈之威也於是眾人萬口一辭共謀更新凡爾聞命翕然披靡求工師於班門伐奇材於岱麓以經以營載撲載斲赴功執

役雲集議會躊躇苦艱經始於癸己之春斷手於冬之十月
前後所費無慮百萬金堂堂正殿峙中正之位翼翼長廊置
左右之次周阿巖峻列楹齊伺高門夷庭不陋不盈皆其制
也耽耽闕陽沈沈闔陰使人歲時致祭愈知敬畏之誠復以
鴻材巨棟翔構危樓奔馳電轟磨雲切星盡跋翼翬飛之勢
若造物者始判清濁効奇於茲地非人力成抗月檻於青霄
出風簷於翠麓可以宴樂可以俯仰金碧輝煌華綵偉麗赫
奕烜耀輪然奐然傑為一鄉之壯觀使往來之人朝過夕聃
莫不興賀而嘉美之落成之日切以不傳久遠為恨宜伐石
以誌之使是道不替於後遂相與陳事來告使余書之余方
峻辭衆曰美不自美因人而彰昔會稽之蘭亭滕王之芸閣
不遇右軍王勃則落霞孤鶩之文曲水流觴之詠安得而有

之乎今先生默然不書所作使盛跡湮鬱永貽鄉曲之愧矣
余讓不獲故叙其事云

皆殘舍癸己至元三十年仲冬上旬日

都維那李選 王惠 王德 王仲立石

敦武校尉管軍總把晉林

施主本村段永濟

梓匠本村賈通

匠口林村郭王郭珍

壺林黃山石匠王貴刊

校碑題淘川進士王國器撰本村崔玉書丹并篆額方輿
紀要長治縣淘水在府東南八十里源出雄山流與八諫
水合

八諫水見水經注張說奉和聖製賜崔日知往
潞州應制詩川橫八諫關山帶五龍長是也 淘水

又見金_碑義節度副使張格題寶雲寺詩雄山秀色依欄

見淘水清聲俯岸聞_{碑今有則}淘川亦潞之勝地碑言潞郡

以上黨爲甲上黨之境山明水秀泉甘土肥者惟內王尤

可嘉按金張格有過內王村詩則內王之名其著已久碑

云背紫雲面淘川雄峯聳其左潛龍壯其右太平寰宇記

上黨縣有慶雲山上黨記云堯之將興有五色雲出此山

故曰慶雲山方輿紀要潞安府雄山在府東南六十里淘

水出焉宋張儀鳳有上黨縣潛龍山寶雲寺記_{碑今有}皆可

與此碑相參證記以至元癸巳重修內王之宣聖廟而作

碑文莊雅不雜元文俚雜之習

徐玉墓碑

碑高五尺二寸廣二尺二寸五分二十
三行行五十六字正書今在趙城縣

故河東南路提舉常平倉事徐君墓碣銘

并序

嘉議大夫河東山西道提刑按察使王博文撰

宣授掌管諸路頭廳教門第十一代宗師 特賜圓通

玄

悟大禪師雪菴溥光書并篆額

至元甲戌春予方官太原一日平陽路轉運司經歷徐德舉進之□見出涕謂予言先考妣捐館舍葬已六七年惟我二親有賢行備淑德所以□見于後世者願瞻松楸旌紀寂寥德舉不肖負疊蒙□寢食不遑□□侍公文發潛德之幽光俾貽範於後嗣孤子瞋目不恨矣敢百拜以請予與進之有數面之雅不鄙涼薄每相敬愛今以文字見託義不可拒遂□而銘諸按陳□次公之狀君諱玉字庭玉世為平陽簡□□□南□明里人宗族繁衍五世不異居高曾祖父皆潛

德弗耀以農為業貲礎於□□君賦性醇謹且有大志歲已
卯

天兵南下遂隸軍籍受元帥府都提控之職從主□至太原
雅為所知署為崞縣提領未幾為崞嵐長官自下□持身公
廉趨□勤恪時法度未立上官徵求急於星火事辦而民不
告病丙辰刑部尚書馮公以君廉幹奏充提舉河東南路常
平倉事凡一路鰥寡孤獨及脫著民籍之戶皆兼領之君賑
貧周急樂於為善兵革以來祖先十餘喪□窆塋域至元甲
子□皆大葬於石明里其疏源植本之事不可殫紀乃於至
元六年正月六日以疾終於家春秋八十有八越二月二十
六日葬於先塋夫人高氏先□□□是祔焉高鳳翔名家子
有賢孝之稱初提舉府君從軍兵荒城歉殺□□斥民無所

於糴時舅姑尚無恙采擷野茹縫征人衣以致養甘旨未□
□至於所獲俘虜之人欲還鄉里者悉縱遣之雲內有□獲
逋逃而其□□殺者高爲蔽匿即以白金購出之俾爲良民
雖其府君之賢高氏內助□力爲多初高氏與二婦人適野
挑菜時狼害暴橫二婦爲所食而高氏獨得脫有以見造物
相佑享後福之兆也生子一人女一人子即經歷德舉□府
君嘗戒德舉曰人有患難則抹見鄉黨則敬結交友以信蒞
官事以公道遵行而勿忘也德舉再拜以受銘諸心見於羹
牆奉以□旋不敢失墜故爲省郎爲平陽轉運經歷皆以廉
幹著稱人□□難見義可爲則忘諸寢食必令事成而後已
故當時翕然以義俠稱之□□□子年二十六□□人也
誓不再□今居父母家一子一女德舉爲婚聘之□子一人

諱志清少讀道家書長為黃冠師今為平陽道官其流慶方
隆而未艾也竊嘗論之夫名門右族莫不由祖考積德為善
以封植之莫不由子孫賢立而振大之聞諸提舉府君鄉里
耆老言府君之祖諱澤者宋季天下亂所在盜起一人瞽且
跛至其家丐食與宿府君之祖憫其廢疾泊以口屋日夕供
饋無難色留十許日而去俄一夕羣盜大噪而至其渠魁呼
府君之祖曰我即向時瞽且跛者以君視我之厚故賫幣帛
以報其德耳毋口府君之祖遜謝而却之其以仁柔化獷暴
如此流風遺德傳子及孫至於家昌盛官通顯蓋亦有自來
矣是可以銘銘曰

種穀與木 鋤穫栽培 一年十年 足食足材 種德
之家 父播子穫 不出百年 光大輝赫 相彼徐氏

求福不回 揆以天理 豈無自來 三王祭川 先
河後海 河水之源 海水之會 祖考積慶 貽厥子
孫 其承其繼 愈大其門 我銘世德 以詒後嗣
善如力行 豈止於是

至元三十年 月 日立石

平水衛繼安刊

校碑題河東山西提刑按察使王博文撰禪師溥光書元
文類姚燧提舉鹽使司徐公碑徐毅言於燧吾先人雅善
故御史中丞王君博文當其爲河東提刑句銘先祖提舉
府君墓碣與碑題合姚碑又云考玉材武爲皇帥府都提
控提領崞縣崙嵐長官提舉河東南路常平倉事妣夫人
高皆與此碑合碑言德舉爲省郎爲平陽經歷太原路提

舉亦與姚碑爲尚書省掾調平陽轉運司經歷升提舉合
碑言歲己卯天兵南下校己卯卽興定三年金史本紀興
定三年正月壬辰以元兵定太原河北事勢非復向日集
百官議備禦長久之計徐君隸軍籍當在此歲又元史太
祖紀十三年戊寅穆呼哩自西京克太原平陽及忻代澤
潞汾霍等州十四年己卯克岢嵐吉陽絳州皆此碑兵南
下之證曰崞縣提領岢嵐長官皆元初未定州縣官時之
制沁州長官杜豐見元史丙辰憲宗六年君以是年提舉
河東南路常平倉事至元六年正月六日卒二月三日葬
先塋夫人高氏附霍州志徐毅傳父德舉追封如制以此
碑考之德舉初爲省郎至元甲戌爲平陽轉運經歷碑言
王及子德舉仕履行義皆可補史闕後言徐君女守節事

亦可風世又山西通志有溥光傳

勉勵學校詔

碑高四尺廣二尺三寸十七行
行三十二字正書今在縣

皇帝累降詔旨

上天眷命

皇帝聖□□中外百司官吏人等孔子之道垂憲萬世有國家者所當崇奉□□林□□□大都諸路府州縣邑應設廟學書院照依

世祖皇帝聖旨禁約諸官員使臣軍馬毋得於內安下或聚集理問詞訟褻瀆飲宴工役造作收□官物其贍學地土產業及貢士莊諸人毋得侵奪□□錢糧以供春秋二丁朔望祭祀及師生廩膳貧寒老病之士為眾所尊敬者月支米糧

優恤養贍廟宇損壞隨即修完作養後進嚴加訓誨□□道
藝務要成材若德行文學超出時輩者有司保舉肅政廉訪
司體復相同以備選用本路總管府提舉儒學肅政廉訪司
宣明教化勉勵學校凡廟學公□諸人毋得阻擾據合行儒
人事理照依已降

聖旨施行彼或恃此非理妄行國有常憲（字）不知懼今欽奉
詔書內一欵節該學校之設所以作成人材仰各處正官教
官欽依

先皇帝已降

聖旨主領敦勸嚴加訓誨務要成材以備擢用仍仰中書省
議行貢舉之法□□學田去處量撥荒閑地土給贍生徒所
司常與存恤

至元三十一年寶七月口日

按此詔爲元成宗卽位崇奉孔子之證元史祭祀志成宗卽位詔曲阜林廟上都大都諸路府州縣邑廟學書院瞻學土地及貢士莊以供春秋二丁朔望祭祀卽節錄此詔文閭復曲阜孔子廟碑聖上嗣服之初述祖考之成訓興學養士嚴祀先聖自曲阜始制詔若曰孔子之道垂憲萬世有國家者所當崇奉亦與此詔孔子之道云云合詔有仍仰中書省議行貢舉文是成宗初亦有行貢舉之議末題至元三十一年七月日元史成宗紀至元三十一年七月壬戌詔中外崇奉孔子卽頒此詔之日

訓義門記

石高二尺二寸八分廣四尺一寸三十一
行行二十字正書今在襄陵縣東張相村

訓義門記

予所居之里西南俯溪獨東一方有門而當於山山之趾畦畛繹如也東折而北有大路分而之佗里之縣府治無不之也故凡旦夕出入者率由是門焉而班白耆耄閑而聚談者亦多坐於門之下門舊有屋廣四楹兵亂燼矣至元三季冬諸坐者議曰方時和歲豐官府又變而清白租調之外

幸有餘力盍興斯門之廢以為一里觀乎衆曰可於是命公翰斲輪度其所用如材瓦之數智者謀之饒者財之健者力之迨明年秋落成予適在會衆命名門予名之曰訓義衆求所以訓蒙之說予曰古者家有塾塾門側堂也謂二十五家為閭閭共一巷巷首有門門邊有塾里中之老而有道德者坐於兩塾以為左右師民恒受教焉今吾里之門雖非塾制

然坐其下而談者殆亦班白耆耄飽於諸事者庠夫既飽於諸事民凡旦夕出入者亦當訓為子以孝為弟以恭為兄以愛為友以信撫幼以慈待物以仁持家以儉而勤居官以廉而幹又當訓以言毋涉詈戲毋習觥動毋挾黨耕毋侵畔牧毋犯稼樵毋伐良樹貧患必相救死喪必相助民有好鬼者則訓以有功德於民者自有祀典毋以詔為也且崇汝祖宗之祀有嗜酒者則訓以酒非常飲物是用養老祀神無以喪軀敗家為也有鬭爭者則訓以曲當謝於人直為汝辨無以瀆有司也有婚姻者則訓以男娶女嫁禮也無以財論而結二姓之怨有游惰者則訓以不服田力穡越其罔有黍稷以餓汝父母妻子官有常刑有博戲者則訓以博不可習輸必竊於家贏必盡於志以至不事事是為無賴官有常刑方春

之初雨露既濡則訓之以趨農及秋之末場圃既畢則訓之以入學茲非訓義已乎不此之為或傳虛云實質非為聽幼忽長恃尊凌卑翫名取笑教詞成訟是反得罪於眾人也安用訓為眾皆曰然乃定門名且書此語以為之記里曰相實襄陵所治也

平陽路儒學教授張著云

承直郎平陽路總管府判官汲郡王惲書

大元至元三十一年十月望日

立石人郭海

助緣人眾村人等

小郭村石匠張志善 張志孝

按碑末題平陽路儒學教授張著云承直郎平陽路總管

府判官汲郡王惲書襄陵縣志元王惲蒙溪先生碑君諱
著字仲明世爲襄陵縣張相里人君以穎悟不待勉勵卓

然自志於學戊戌歲設科取士

元太宗九年取士事見本紀志傳

以詞賦

中選中統建元頤齋張公以直道清節撫河東廉尹才行
擢主潞城簿政廉明以畏愛稱親老西歸累辟不就至元
乙酉用薦授平陽路儒學教授職竟不聽其去者逾再攻
子思敬自南陽教官來省聞彼中風土樂遂命駕南游以
至元壬辰六月十三日考終寓舍蒙溪碑言爲平陽儒學
教授與此碑題銜合惲以至元九年爲平陽教官十一年
遷見元史傳蒙溪碑云余官晉府四年得進修之士一人
曰蒙溪張君每暇與往來把酒論文此惲爲著友之證故
爲書此碑碑言至元四年秋里門成名之曰訓義蒙溪碑

言著沈潛伊洛不矜不盈以此碑證之益信又王惲書此
碑在至元十一年前故書平陽判官立碑年則惲已累遷
矣碑立至元三十一年十月望日

劉會碑

碑高五尺五寸廣二尺五寸二十九行
行六十二字正書今在繁峙縣宋峪村



正王誠書

遺亡 遠不可考公少慷慨既長志節豪邁鄉里推重當時

射虎闔境之民弱而難

或值凶旱寢食不遑齋
沐引過走謁群望動以至誠有禱輒應豐數年明德政

懿旨超加驍騎衛

將軍堅州

都元帥

兼節度使懸帶

虎符金

牌便宜

行事當是時也城邑蒿萊

玉石俱焚

事草創

于

公廨

道

官城樓橋梁之屬

躬率吏民咸與惟新夫人郭

氏前公卒子男二人

女

三人長曰澤次曰瑛李氏子男一

人曰琮女一人澤娶鐵氏

女

一人弱冠質于

公主位下積有年矣一鐵氏偶疾而終以子澤服勞之

故深蒙見知

懿旨賜以室女陳氏繼中饋公是時春秋已高累退特蒙

懿旨擬令子澤承襲職任充堅州管民長官公退休之日好

善忘勢累歲嘗

請口緇侶結

春夏講數席日以香火焚修為

事以口能自奮發立功立事仕宦貴按之當今無輩雖從古

人中求之不多得也享年七十有五癸卯年五月十有一日

以疾終于私第之正寢尋祔塋于先塋禮也次曰瑛性孝悌

為人俊偉

卑

自牧富而好禮素達權變亦任太原路金銀

丹粉

治

提領子男六人庚申

年三月二十一日以

疾前兄卒

享年五十有五次曰琮天資淑善少孤能自立嘗為本州司

候

鄉里甚愛重之子男一人

日子

厚惜口年方知命不幸而

有疾終于至元十九年七月十七日長子澤向之既襲父職

居官莅事大率以柔是尚臨民之際唯恐有傷不以利祿為

心惟嗜酒未嘗一日不飲未嘗一飲不醉放浪博俎間談笑

自若不為明日計也壽五十有七中統口年五月初口日盡道而亡夫人陳氏子男三人長曰懷玉懷寶其字也為人美儀觀幼聰敏風彩英俊負聳壑昂霄之志歲在丙辰奉

太原路總管府擬令繼襲父職充堅州管民長官在任

政平

訟理吏民愛敬

至元二年

國朝遷轉官員以來由堅而代自代三仕孟管隰知州終始二十五年之間兩授

宣令口仕至武略將軍兼管諸軍奧魯所在並有能名無何

夕景難留

隨年有限至元十五年十一月初六日終于隰州

之知州得年四十有四次曰懷寶天不与口至元十二年八月二十二日以疾終享年三十有七次曰懷琇暨瑛之長子榮琮之子子厚若三子者即祖考都師公之三孫也一日踵

門請予涕泗而言僕□遐思祖考父兄雖不逮于古人以三世之榮耀貽及子孫亦吾門之幸甚况我祖其先建墳之際已立石人石虎五十餘年於此矣惜無旌紀照示來□其於先公創業艱難洎終□顯仕之行事閭焉而不彰異日何以見祖宗於地下亦天地之罪人耳今不肖之昆仲賓□所生誠不能追配于前人猶得以□吾宗一線之餘慶敢以碑銘為請子盍為我言之宜毋牢讓□□不敏才疎義□固不能

奉揚

一門三

世

之宏休適足以招後來之誹謗何敢以文為

辭不已姑據其平昔見聞之實以告來者仍系之以銘云銘曰

昔遭時變 六合豺狼 □□競□ 黎庶流亡 猗□

□□ □□非常 率先歸命 □被

恩光 金符榮職 □□□□ □□金石 志□□□

□□□銳 剗荆除荒 扶衰拯溺 身為舟航 功

名成遂 甘□退藏 有子代職 視民□□ □□□

□□□臧 □孫□□ 益緒榮昌 鵬搏鯤化

虎視鷹揚 歷遷五郡 僉曰循良 簪纓□世 聲名

四方 □□□□ □□□□ □□□茲 銘旌□□

孝子慈孫 □□□忘

大元至元

劉興 □厚 曾孫劉濬 劉津

按繁峙縣志碑首闕五十餘字其標題及撰書人銜名並磨滅惟存學正王子成書篆七字據前志知爲劉會碑也銘辭十一韻中闕十餘字前志既據碑文爲立傳而載銘

辭於藝文以意補綴點竄增爲十三韻又直以撰文者爲

王子成亦不合校志所言磨泐者與今損本同惟今碑之

揚本又後光緒七年修志十數葺故漫漶者尤多今皆据

志補

繁峙志作王子成今碑作誠字志刻誤又銘節碑云

公少慷慨志節豪邁喪

闕

之後寇盜蠭起公抗撥亂之志

披荆棘扞豺虎縣志劉會繁峙人少慷慨有志節鄉里推

重金貞祐中以縣殘破改堅州興定丁丑元兵徇代及境

會率鄉人歸命卽授堅州判官

志所錄碑文自鄉里推重

十餘字疑卽會傳所云興定丁丑以下至按堅州判官文

新縣志据舊志舊志据碑道光丙申修志時碑蓋未闕也

校會以堅州附元亦見王氏世德碑

人棄城奔潰城中遺民共推公與縣人劉會同領縣事公

乃與會等十數人持牛酒詣主帥麾下通姓名此會以丁

丑降元

校金史本紀興定元年二月己未大元兵徇忻代

興定元年丁丑與縣志會傳王氏世德碑合金史地理志代州領

縣五繁時貞祐三年九月升爲堅州會降元在升州後故

得爲堅州判官碑云懿旨超加驍騎衛將軍堅州都元帥

兼節度使夫人郭氏前公卒子男二人女三人長曰澤次

曰瑛闕李氏子男一人曰琮女一人澤娶鐵氏弱冠質於

公主位下按通志仕實錄元李佺傳己卯歲太祖之妹曰

曳刺海號監國公主遣行省不華收地河東公主承制授

佺汾州左監軍王氏世德碑繼授監國公主教遷昭武將

軍堅州左副元帥元史王檄傳戊子奉監國公主之命領

省中都元史阿剌兀思別吉忽里傳子布頁赫從攻西域

略車駕征伐四出嘗使留守軍國大政咨稟而後行師出

無內顧之憂公主之力居多元史類傳復高唐忠獻王碑

同通志仕實錄云太祖之妹曳刺海號監國公主此碑所云公

主元史公主表阿剌海太祖之女疑通志誤

主當卽監國公主碑云鐵氏疾終澤以服勞之故深蒙見
知賜以陳氏公時春秋已高累闕退懿旨擬令子澤承襲

職位充堅州管民長官公壽七十有五癸卯年五月十一
日終於私第瑛任太原路金銀丹粉冶提領子男六人琮
本州司候子男一人長子澤襲父職壽五十七中統闕年

五月亡子三人長懷玉歲丙辰奉太原路總管府擬令襲
父職充堅州管民長官至元二年國朝遷轉官員由堅而
代校元初以降以攻得地者皆世其官李璫叛後乃更此
制中統四年姚樞拜中書左丞奏罷世侯置牧守見元史
本傳樞以左丞行省河東移置官吏懷玉由堅而代當爲
樞所移易碑云自代三仕孟管隰知州終始二十五年之
間仕至武略將軍兼管諸軍奧魯

元文類經世大典敘錄
軍制軍出征戎家在鄉

里曰奧魯州縣長官結
銜兼奧魯官以徵之

至元十五年十一月六日終于陽

州次懷寶次懷琇碑以應懷琇暨瑛長子榮琮長子子厚
之請而撰縣志碑正書篆額至元中立又云爲人志墓而
專於鋪陳其子孫文體可云卑亢然邑中文獻明前闕如
賴此文及王氏諸碑於元一代猶窳見厓略也碑末多泐
存皆至元曾孫劉濬數字建碑之年不可辨又按元史世
祖紀中統二年六月罷金銀銅鐵丹粉錫礪坑冶民夫此
碑言劉瑛任太原金銀丹粉冶提領而百官志無是官蓋
爲世祖所罷也碑見通志金石記